



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



## ԱԶԳԱՅԻՆ ՎԱՐՉՈՒԹԻՒՆԸ ԽՈՐՀՐԴԱԿՑԱԿԱՆ ՀԱՆԴԻՊՈՒՄ ՈՒՆԵՑԱՒ ԱԶԳ. ԵՐԵՍՓՈԽԱՆՆԵՐՈՒ ԵՒ ՀՈԳԱԲԱՐՁՈՒԹԵԱՆՑ ՀԵՏ

Երեքշաբթի, 16 Դեկտեմբերի երեկոյեան, Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի եւ Ազգային Վարչութեան հրաւերով, Ազգ. Առաջնորդարանի «Տիգրան եւ Չարուհի Տէր Ղազարեան» սրահին մէջ տեղի ունեցաւ խորհրդակցական հանդիպում մը, որ համախմբեց ծխական շրջաններու հոգեւոր հովիւները, հոգաբարձական կազմերն ու Ազգային Երեսփոխանական Ժողովի անդամներ:

Հանդիպումին բացումը կատարելով, Առաջնորդ Սրբազանը յայտնեց, որ այս հանդիպումը մաս կը կազմէ ծխական շրջաններու ներկայացուցիչներուն հետ Ազգ. Վարչութեան հերթական հանդիպումներու շարքին, եւ կը նպատակադրէ հետամուտ ըլլալ Ազգային Երեսփոխանական Ժողովէն բխած որոշումներուն ու թելադրանքներուն իրականացման, ապա նաեւ բաժնեկցիլ անմիջական տեղեկութիւններ, միասնաբար քննարկել հասարակաց հարցեր ու ծրագիրներ:

Նկատի ունենալով, որ մեր Թեմի պատուիրակութիւնը նոր վերադարձած է Մեծի Տանն Կիլիկիոյ Կաթողիկոսութեան Ազգային Ընդհանուր Ժողովէն (2էն 5 Դեկտեմբեր, Անթիլիասի մէջ), Առաջնորդ Սրբազանն ու Ազգ. Վարչութեան ատենապետ Դոկտ. Կարօ Յակոբեան ընդհանուր գիծերու մէջ տեղեկութիւններ տուին յիշեալ ժողովի ընթացքին քննարկուած հարցերուն ու առաջադրուած ծրագիրներուն մասին: Անոնք նշեցին, որ Ազգ. Ընդհանուր Ժողովը իր քննարկումները տարած է նկատի ունենալով 6 գլխաւոր բնագաւառներ, որոնց շարքին է քրիստոնէական ու հայեցի դաստիարակութիւնը, երիտասարդութեան կարիքները, Հայաստան-Սփիւռք գործակցութիւնն ու անոր մէջ Կաթողիկոսութեան դերը, միջ-եկեղեցական յարաբերութիւններ ու մեր ժողովուրդի իրաւունքներու հետապնդման գործը: Անոնք անդրադարձան մեր Թեմի պատուիրակութեան գործօն մասնակցութեան:

Առաջնորդ Սրբազանը նաեւ տեղեկութիւններ փոխանցեց Վատիկան իր այցելութեան մասին. ծանօթ է որ Նոյեմբերի վերջերուն ան Վատիկան մեկնած էր, միանալու համար Ն.Ս.Օ.Տ.Տ. Արամ Ա. Կաթողիկոսի շքախումբին՝ հանդիպումներ ունենալու Կաթողիկէ եկեղեցւոյ Զահանայապետ Ն.Ս. Պենետիկտոս Ժ2. Պապին ու այլ բարձրաստիճան պատասխանատուներու հետ: Հանդիպումներուն ընթացքին, արծարծուած են միջ-եկեղեցական յարաբերութիւններ ու Անթիլիաս-Վատիկան

գործակցութեան դաշտերը, յատկապէս նկատի ունենալով Միջին Արեւելքի քրիստոնէական համայնքներուն դիմագրաւած հարցերը:

Հանդիպումի երկրորդ բաժինը յատկացուած էր Թեմիս 35ամեակի տօնակատարութեան նախապատրաստական աշխատանքներուն: Առաջնորդ Սրբազանը ներկաներուն տեղեկութիւններ տուաւ Կիրակի, 21 Դեկտեմբերի երեկոյեան, Ս. Աստուածածին եկեղեցւոյ յարկին տակ կազմակերպուած տօնակատարութեան մասին, վեր առնելով մեր ժողովուրդի կեանքին մէջ Ս. Աթոռոյս դերն ու անոր իրականացման մէջ մեր Թեմի առաքելութիւնը:

Հանդիպումը նաեւ առիթ եղաւ խորհրդակցելու ծիսական կեանքը աւելի եւս աշխուժացնելու եւ մեր եկեղեցւոյ ծառայութիւնները աւելի մեծ թիւով հաւատացեալներու կեանքին հասցնելու միջոցներուն մասին: Այս գծով, Ազգ. Վարչութեան անդամներէն Տիար Ներսէս Մելքոնեան տեղեկութիւններ տուաւ այն աշխատանքներուն մասին, որ վստահուած է եկեղեցիներու անդամական վիճակը բարելաւելու եւ հաւատացալները աշխատանքի կալուածներու մէջ ներգրաւելու միջոցները քննարկող յանձնախումբին:

Աւարտին, Առաջնորդ Սրբազանն ու Ազգ. Վարչութեան անդամներ յաւելեալ լուսաբանութիւններ տուին, պատասխանելով ներկայ ժողովականներու հարցումներուն: Հանդիպումը վերջ գտաւ «Կիլիկիա» խմբերգով:

## **EXECUTIVE COUNCIL MEETING WITH DELEGATES AND BOARDS OF TRUSTEES**

By invitation of H.E. Archbishop Moushegh Mardirossian, Prelate, and the Executive Council, on the evening of Tuesday, December 16<sup>th</sup>, Clergy, Delegates, and Boards of Trustees gathered at the “Dikran and Zarouhie Der Ghazarian” Hall for a discussion of issues of concern to all our parishes.

The meeting convened with remarks by H.E. Archbishop Moushegh Mardirossian, Prelate, who welcomed the representatives and stated the purpose of the meeting which was to discuss and explore the decisions and suggestions made by the Representatives Assembly and to exchange information and share knowledge.

Given that the Prelate and delegates had recently returned from Antelias where they participated in the General Assembly of the Catholicosate of Cilicia, the Prelate and Executive Council Chairman Dr. Garo Agopian conveyed the outcome of the Assembly and the suggestions put forth.

The Prelate also conveyed the details of his trip to the Vatican where he has joined the delegation of H.H. Catholicos Aram I on an official visit to H.H. Pope Benedict XVI.

The discussion then turned to the 35<sup>th</sup> anniversary of the Prelacy which will be celebrated on Sunday, December 21<sup>st</sup>, at St. Mary’s Church in Glendale.

The meeting also offered the opportunity for a discussion on reinvigorating our parishes and expanding the range of our mission to reach as

many faithful as possible. In this regards, Executive Council member Mr. Nerses Melkonian spoke of the efforts being undertaken by the committee assigned for this specific task.

Following a question and answer session, the meeting came to a close with the singing of "Giligia".